

UGOVOR

Obrasci i blokovi sa bar kodom

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička 2. (u daljem tekstu Ugovorni organ), kojeg zastupa direktor, mr.sci.oec.prim.spec.dr. Samir Turković

i

BLICDRUK d.o.o. Sarajevo, ul. Ćemaluša br.8 (u daljem tekstu Dobavljač), kojeg zastupa direktor, Muhamed Hrlović, graf.ing.

PREDMET UGOVORA

Član 1.

Predmet ovog ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem konkurentskog zahtjeva za nabavku „Obrasci i blokovi sa bar kodom“, u skladu sa Odlukom o izboru najpovoljnije ponude broj 03-08-E.Š.-38872-OI2/18 od 17.12.2018. godine, ponudom Dobavljača broj 209/18 od 07.12.2018. godine, tenderskom dokumentacijom broj 03-08-E.Š.-38872-KZ/18.

PREDMET NABAVKE

Član 2.

Ugovorena nabavka „Obrasci i blokovi sa bar kodom“ koje moraju da zadovoljavaju tehničke karakteristike i količine kako slijedi u tabelama:

Redni broj LOT-a	Naziv LOT-a	Opis	Jedinica mjere	Količina
LOT 2	Obrasci i blokovi sa bar kodom	a) Blok recept žuti	blok	5.500
		b) Blok recept zeleni	blok	70
		c) Blok recept crveni	blok	70
		d) Obrazac ZP-6 - 6.1;	blok	500
		e) Obrazac ZP-6 - 6.2.	blok	50
		f) Obrazac ZP-6 - 6.3;	blok	50
		g) Obrazac RVIO-04	blok	50

LOT br.2	Opis	Karakteristike
Obrasci i blokovi sa bar kodom	a) Blok recept žuti, b) Blok recept zeleni c) c) Blok recept crveni	99x208 mm, 100l/blok, štampa 1/0, papir ofsetni 80gr., podložni karton, blok lajman na glavi, žuta/zelena/ crvena i crna boja, sa uštampavanjem promjenjive bar kod numeracije*
	d) d) Obrazac ZP-6 - 6.1;	A-4, papir ofsetni 80gr., štampa 1/1 dvostrana sa uštampavanjem promjenjive bar kod numeracije* a)6.1.žuti; b)6.2. plavi i c) 6.3. zeleni, prednja stana je kolor 96l/blok
	e) Obrazac ZP-6 - 6.2.	
	f) Obrazac ZP-6 - 6.3;	
	g) Obrazac RVIO-04	A-4, papir ofsetni 80gr., štampa dvostrana, set 1+1, listovi u bojama, set lajman na glavi, sa uštampavanjem promjenjive bar kod numeracije*, 32 seta/blok

K

OBAVEZE UGOVORNIH STRANA

Član 3.

Dobavljač se obavezuje isporučiti robu/uslugu koja je predmet ovog ugovora, koja kvalitetom u svemu odgovara karakteristikama preciziranim u tenderskoj dokumentaciji broj 03-08-E.Š.-38872-KZ/18, na način i u rokovima regulisanim ovim ugovorom i ponudom Dobavljača na adresu koju odredi Ugovorni organ.

Član 4.

Ugovorni organ se obavezuje da nakon isporučene robe/usluge, saglasno narudžbi i cijeni iz ponude, ukoliko ista odgovara ugovorenom kvalitetu, plati ugovorenu cijenu na način i u rokovima određenim tenderskom dokumentacijom broj 03-08-E.Š.-38872-KZ/18, ponudom Dobavljača i ovim ugovorom.

Član 5.

Cijena robe koja je predmet ugovora će biti fakturisana na osnovu cijena iz sljedeće tabele:

Redni broj LOT-a	Redni broj	Opis	Jedinica mjere	Količina	Jedinična cijena bez PDV-a	Jedinična cijena sa PDV-om	Ukupna cijena bez PDV-a	Ukupna cijena sa PDV-om
LOT 2	Obrasci i blokovi sa bar kodom	a) Blok recept žuti	blok	5.500	1,30	1,52	7.150,00	8.365,50
		b) Blok recept zeleni	blok	70	4,00	4,68	280,00	327,60
		c) Blok recept crveni	blok	70	4,00	4,68	280,00	327,60
		d) Obrazac ZP-6 - 6.1;	blok	500	6,30	7,37	3.150,00	3.685,50
		e) Obrazac ZP-6 - 6.2.	blok	50	7,50	8,78	375,00	438,75
		f) Obrazac ZP-6 - 6.3;	blok	50	7,50	8,78	375,00	438,75
		g) Obrazac RVIO-04	blok	50	7,50	8,78	375,00	438,75
Ukupna cijena bez PDV-a							11.985,00	
Popust								0,00
PDV- na cijenu ponude								2.037,45
Ukupna cijena za ugovor sa uračunatim popustom i PDV-om								14.022,45
Slovima:								

Član 6.

Plaćanje izabranom ponuđaču iz člana 5. ovog ugovora će se vršiti na osnovu dostavljene ispravne fakture nakon sukcesivne isporuke robe koja je predmet nabavke, na račun ponuđača koji je dostavljen u ponudi u roku do 60 dana.

Član 7.

Dobavljač se obavezuje da će ugovorenu isporuku robe vršiti sukcesivno prema potrebama Ugovornog organa u roku od 7 dana od dostavljanja narudžbenice za vrijeme trajanja Ugovora.

Član 8.

Dobavljač ima pravo na produženje ugovorenog roka ako je u isporuci/vršenju usluge u tom roku bio priječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode),
- mjere državnih organa.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

Član 9.

Ako Dobavljač zakasni sa izvršenjem isporuke robe, nema pravo na produženje ugovorenog roka zbog okolnosti koje su nastale u vrijeme kada je bio u kašnjenju.

U slučaju neurednog izvršavanja ili zakašnjenja u izvršavanju ugovornih obaveza od strane Dobavljača, a kao rezultat nepažnje Dobavljača ili njegovog osoblja, neovisno da li je nastupila šteta takvim postupanjem, Ugovorni organ ima pravo zaračunati penale za predmetni period na način da za svaku radnju ili propuštanje dužne radnje od strane Dobavljača u ovom smislu iznos ispostavljene fakture umanjuje za 20%.

Dobavljač je u svakom slučaju dužan naknaditi štetu u stvarnom iznosu ukoliko ista nastupi usljed nemara ili krivice Dobavljača.

PRESTANAK UGOVORA

Član 10.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana, a najkasnije po proteku 1 (jedne) godine od dana zaključivanja ugovora.

Član 11.

Ugovor može prestati i prije njegovog izvršenja, u slučaju raskida.

Ugovorni organ može raskinuti ovaj ugovor:

- ako Dobavljač ne izvrši ugovorenu obavezu u pogledu kvaliteta,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u isporuci robe koja je predmet ugovora takvo da može dovesti u pitanje izvršenje ugovora.

Zbog zaostajanja u isporuci robe, Ugovorni organ može raskinuti ugovor samo ako je do zaostajanja došlo krivicom Dobavljača.

Član 12.

Ugovorni organ će raskinuti ugovor sa Dobavljačem ukoliko se ustanovi da ponuđena roba koja je zadovoljila zahtjeve u ponudi, nije jednaka isporučenoj robi koja je predmet ugovora.

Dobavljač može da raskine ugovor ako Ugovorni organ usljed vlastite krivice ne izvrši svoje ugovorne obaveze.

Ukoliko Ugovorni organ, skrivljenim ponašanjem, ne izvrši plaćanje u predviđenom roku, dužan je Dobavljaču izvršiti obeštećenje izazvano kašnjenjem u visini od 20% na iznos neplaćene fakture.

Ugovorni organ neće biti u obavezi platiti obeštećenje iz prethodnog stava ukoliko postoje dokazivi razlozi da je kašnjenje sa plaćanjem nastupilo izvan okolnosti na koje je Ugovorni organ mogao utjecati.

U svakom slučaju Dobavljač neće moći raskinuti ugovor bez pisanog poziva na ispunjenje ugovornih obaveza uz minimalan rok od 8 dana za postupanje Ugovornog organa po pozivu.

Ugovor se raskida pismenom izjavom koja se dostavlja drugoj ugovornoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 13.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje spora obratiti stvarno nadležnom sudu u Sarajevu.

Član 14.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

Član 15.

Ponuđač kojem je dodijeljen Ugovor nema pravo zapošljivati, u svrhu izvršenja Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

ZAVRŠNE ODREDBE

Član 16.

Sastavni dio ovog ugovora su:

- Tenderska dokumentacija broj: 03-08-E.Š.-38872-KZ/18
- Odluka o izboru broj: 03-08-E.Š.-38872-OI2/18
- Prihvaćena ponuda Dobavljača broj: 209/18 od 07.12.2018. godine.
- Kontakt osobe zadužene za realizaciju Ugovora.

Član 17.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Ovaj ugovor stupa na snagu danom potpisivanja od strane obje ugovorne strane.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Dobavljač
BLICDRUK d.o.o.
Sarajevo

Muhamed Hrlović, graf.ing.

Broj: 05/19

Datum: 15.01.2019. godine

Ugovorni organ
ZAVOD ZA VEŠTAČENJE I
OSIGURUJE
SARAJEVO

Samir Turković

Broj: 03-08 E.Š.-38872-UG/18

Datum: 07.01.2019. godine.